

Uunga siunnersuut: Inatsisartut isummerfigisassaattut siunnersuut, Naalakkersuisut peqquneqassasut nalunaarusiussasut, meeqqat atuarfianni immikkut atuartitsinermini klassini atuartut qassit, meeqqat atuarfianni ingerlariaataasinnaasumik inaarutaasumik misilitsinnissamut innersuunneqartarnerannik takutitsisumik.

Inatsisartunut ilaasortaq Nivi Olsen, Demokraatit

Pillugu

**Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap**

Siunnersuutip aappasaanneerpeqarnerani

ISUMALIUTISSIISUTAA

Ataatsimiititaliap suliaqarnermi makkuninnga inuttaqarpoq:

Inatsisartunut ilaasortaq Sofia Geisler, Inuit Ataqatigiit, siulittaasoq

Inatsisartunut ilaasortaq Doris Jakobsen Jensen, Siumut, siulittaasup tullia

Inatsisartunut ilaasortaq Mariia Simonsen, Inuit Ataqatigiit

Inatsisartunut ilaasortaq Nivi Olsen, Demokraatit

Inatsisartunut ilaasortaq Mette Arge-Hammeken, Naleraq

UKA2021-imi 9. november 2021-mi siullermeerinninnerup kingorna siunnersuut ataatsimiititaliap misissorpaa.

1. Siunnersuutip imarisaa siunertaalu

Immikkut atuartitsinermini klassini atuartut meeqqat atuarfianni ingerlariaataasinnaasumik inaarutaasumik misilitsinnissamut innersuunneqartartut misilitsinnermillu naammassinnittut qassiuneranik takutitsisumik Naalakkersuisut nalunaarusioqqullugit peqquneqarnissaannik siunnersuut.

2. Siunnersuummik ataatsimiititaliap suliarinninnera

Siullermeerinninnermi siunnersuut tapersorluarneqarpoq. Nalunaarusiami ”*Ilinniartitaaneq aamma inuit pisinnaatitaaffii pillugit atuartitsineq, Kalaallit Nunaanni killiffik 2021*”¹ Ilinniartitaanermut, Kultureqarnermut Timersornermut Ilageeqarnermullu Naalakkersuisoqarfimmut pingaaruteqartumik kaammattuuteqartoq ataatsimiititaliap maluginiarpaa:

¹ https://menneskeret.dk/sites/menneskeret.dk/files/media/document/Status_GR_Uddannelse_GR_4.K.pdf

”Misissussagaat, meeqqat atuarfiini specialklassimi atuartut qassit meeqqat atuarfianni isissutaasussamik inaarutaasumik misilitsinnissamut inassutigineqartarnersut naammassinnittarnersullu, kiisalu kingorna aaqqissuussamik tamanna pillugu paasissutissanik katersisalissasut.”

Sapinngisamik piaartumik kaammattuutigineqartup piviusunngortinneqarnissaa aalajangiiffissatut siunnersuutaasup siunertarigaa ataatsimiititaliap paasivaa. Siunissami aaqqissuussaasumik paasissutissanik katersuisoqarnissaa misissuineq malitseqartinneqassasoq siunnersuut ataatsimiititaliamit tapersorsorneqarpoq pingaartutullu isigineqarluni.

Inuiaqatigiittut iliuusissat siunertaannut naleqqussarniarlugit siunissami aaqqissuussaasunik paasissutissanik katersuineq misissuueqqissaarnerlu pisariaqarput. Taamaaliornikkut meeqqat atuarfianni atuartut amerlanerusut inaarutaasumik misilitsinnermi angusinissaat namminermt inuiaqatigiinnullu iluaqutaasusaaq qulakkeerneqarsinnaaqullugu.

3. Siunnersuutip aningaasatigut kingunerisassai

Inatsisartut Suleriaasianni § 33 imm. 1-imi allassimavoq siunnersuutip piviusunngortinneqarnissaanut aningaasatigut allaffissornikkullu kingunerisassai siunnersuutip tunngavilersuutaani allaaserineqassasut.

Siunnersuutip piviusunngortinneqarnissaanut aningaasatigut kingunerisassai ilanngunneqarsimammata ataatsimiititaliamit tusaatissatut tiguneqarpoq. Siunnersuutip piviusunngortinneqarnera 37.000 kr. missaanik akeqassasoq nalilerneqarpoq. §37 naapertorlugu apeqquteqaammi (40/2021) aningaasartuutissat Naalakkersuisut akissuteqaat aallaaveqarpoq. Tamatumunnga ataatsimiititaliaq oqaaseqaatissaqanngilaq.

4. Ataatsimiititaliap inassuteqaataa

Siunnersuutaqaartoq akuersissutigineqassasoq ataatsimiititaliamit isumaqatigiittumit inassutigineqarpoq.

Taamatut oqaaseqarluni isumaliutissiisummilu allassimasutut paasinnillutik matumuuna siunnersuut ataatsimiititaliap aappasaaniigassanngortippaa.



Sofia Geisler
Siulittaasoq



Doris Jakobsen Jensen
Siulittaasup tullia



Nivi Olsen



Mariia Simonsen



Mette Arqe-Hammeken